

古

今

譚

槩

無術部第六目錄 補遺

署名 計三條

大字 大喏

造字

高手筆

不知置辭

不習儀式

初學

照樣舉笏

龍戰龍見 計二條

金熙宗赦草

謝朓詩 杜荀鶴詩

呂李二將讀詩

劉述引古

宋鴻貴讀律

錦衣爛兮

水厄對

三十而立

董公遮

堯舜疑事

不識羊太傅陸士衡

計二條

說韓信

問歐陽脩

不知杜少陵

班固王僧孺

司馬相如宮刑

蕭望

倒語

字誤

計五條

琵琶果

茄字 鵠字

蹲鴟

昭執

多感元年

精狛

生兵

史思明詩

兗進讀書

邑丞通文

中官通文

計三條

中官出對

史學

強作解字

計二條

公羊傳

芝蔴通鑑

祭文策問

計二條

襲舊

改制詞

判鳥翎

朱鞞一聯

約法三章

無術部

子猶曰、夫人飯腸酒臍、不用古今浸灌、則草木而已。
溫岐、悔讀南華第二篇、而梅詢見老卒臥日中、羨之、
聞其不識字、曰、更快活、此皆有激言之、非通論也。世
不結繩、人不面牆、誰能作聾瞽相向、但不當如彌正
平開口尋相罵耳、集無術第六、

○○署名

庾秋子不能書、每署名、遂上畫之、人謂之穿鉗、又有武
將王周者、署名先爲吉、而後成、其外、

北史斛律金不識文字、初名敦、苦其難署、改名爲金、從其便易、猶以爲難、司馬子如乃指屋角令況之。

陸渭南晚晴詩、屋角明金字、溪流作穀文、用此。○穿、鎚指屋是的對。

何敬容爲尚書令、不善作草隸、署名敬字、大作荷、小爲文、容字、大作父、小爲口、陸倕見而戲之曰、公家荷旣奇、大父亦不小、敬容笑而慙。

江從簡嘗作採荷調、以刺何敬容曰、欲持荷作柱、荷弱不成梁、欲持荷作鏡、荷暗本無光、敬容不悟、惟歎。

其工。

○○大字 大諾

宋武帝劉裕素不能書，劉穆之教以縱筆作大字，徑尺，帝從之，一紙不過六七字，便滿。

梁陳伯之爲江州，目不知書，得文案，佯視之，惟作大諾。

唐及五代，凡文書皆批曰諾，猶今批准字也。齊江夏

王五歲，學鳳尾諾，卽工。高帝以玉麒麟賜之。草書諾字形若

鳳尾

○造字

梁曹景宗尚勝每作書字有不解輒意造之

○高手筆

司直陳希閔以非才任官每秉筆支頷半日不下府史目之爲高手筆又竄削至多紙面穿穴亦名按孔子

○○不知置辭

齊焦度材澀欲就高帝求郡不知置辭人教之習誦上口臨自陳卒忘所敎大言曰度啓公度啓公度無食帝大笑曰卿何憂無食賜米百斛

○不習儀式

魏隴西太守游楚上殿、不習儀式、帝令侍中贊引呼隴西太守前、楚不覺大應稱諾、帝笑勞之。

○○初學

張敬兒不識書、由戰功起、方伯始學讀孝經論語、徵護軍、乃於密室屏人學、揖讓對答、空中俯仰、妾侍窺笑焉。

○照樣舉笏

宋祖召問武臣軍數、其識字者預寫笏上、臨問、高舉笏當面見字、隨問卽對、有一不識字者、不知他人笏上有字、照樣舉笏近前、大聲曰、啓覆陛下、軍數都在這裏。

○○龍戰龍見

朱穆以梁冀地勢親重、望其扶持王室、因推災異奏記、以勸戒冀、而引易卦龍戰于野之文、又薦种嵩樂巴等、明年、黃龍二見於沛國、冀無學、遂以穆龍戰之言爲驗、於是引用嵩、巴而舉穆、高第爲侍御史、

郢書燕說、因誤得貞、斷章取義、未嘗不可、

北齊源師攝祠部、嘗白高阿那肱龍見當雩、阿那肱驚曰、何處龍見、其色何如、師曰、龍星初見、禮當雩祭、非真龍也、阿那肱怒曰、漢兒多事、強知星宿、

○金熙宗赦草

金熙宗亶皇統十一年夏龍見官中雷雨大至破柱而去、亶懼欲肆赦以禳之、召掌制學士張鈞視草、中有顧茲寡昧及渺予小子之言、文成奏御、譯者不解謙冲之義、乃曰、漢兒強知識、托文字以言上耳、亶驚問故、譯釋之曰、寡者孤獨無親、昧者不曉人事、渺爲瞻眼、小子爲小孩兒、亶大怒、遂誅鈞

此等皇帝、真是不曉事、瞻眼小孩兒也。

○謝眺詩 杜荀鶴詩

貞觀中尚藥奏求杜若

楚蘄也南郡漢中

敕下度支有省郎以

謝眺詩云芳州生杜若乃委坊州貢之本州曹官判云
坊州不出杜若應由讀謝眺詩誤華省名郎作此判事
豈不畏二十八宿笑人

楊升菴云吳字本從口從矢非從天也而吳元濟之

亂童謠有天上小兒之讖又如王恭爲黃頭小人恭

字與黃頭不同史謂小兒謠言乃熒惑星所爲審如

是星宿亦不識古文矣蘇易簡云神不能神隨時之

惑子猶曰然則唐明宗時玉帝亦當不識字耶

經生多有不省文章、嘗一邑有兩人同官、其一或舉杜
荀鶴詩、稱贊也、應無計避征徭之句、其一難之曰、此詩
誤矣、野鷹何嘗有征徭乎、舉詩者解曰、古人有言、豈有
失也、必是當年科取翎毛耳、

煬帝造儀衛、徵取鳥羽、有鶴巢於樹顛、民往窺之、鶴
恐傷其卵、自拔髦毛投地、羣臣奏以爲瑞、據此、則杜
詩、便作野鷹、亦不錯、

○呂李二將讀詩

張氏據有平江日、其部將左丞呂珍、守紹興、參軍陳庶

子饒介之在張左右、一日陳賦詩、饒深翰題一統扇以寄、呂云、後來江左英賢傳、又是淮西保相家、聞說錦袍酣戰罷、不驚越女采荷花、饒素負書名、且詩語俊麗、爲作者所稱、呂俾人讀罷、大怒曰、吾爲主人守邊疆、萬死鋒鏑間、豈務愛女子而不驚之耶、見則必殺之、又元帥李其姓者、杭州庚子之圍解、頗著功勞、一士人投之以詩、將有求焉、其詩有黃金合鑄李將軍之句、李大怒曰、吾勞苦數年、止是將軍、今年纔得元帥、乃復令我爲將軍耶、命帳下策出之、二事一時相傳爲笑、

九邊將帥都若此、山人秋風必少止矣、

○○劉述引古

劉述字彥思、性庸劣、從子候疾甚、述往候焉、其父母相對涕泣、述立命酒肉、令候進之、皆莫知其意、或問之、答曰、豈不聞禮云、有疾、飲酒食肉可也、又嘗有喪、值其子亦居憂、客問其子安否、答曰、所謂父子聚麀、何勞齒及、

○宋鴻貴讀律

宋鴻貴仕齊爲北平府參軍、見律有梟首罪、誤爲澆手、乃生斷兵手、以水澆之、然後斬決、

○錦衾爛兮

晉康福鎮天水日嘗有疾幕客謁問福擁錦衾而坐客退謂同列曰錦衾爛兮福聞之遽召言者怒之曰吾雖產沙陀亦唐人也何得呼我爲爛矣

○○水厄對

侍中元又爲蕭正德設茗先問卿於水厄多少正德不曉入意答曰下官雖生水鄉立身以來未遭陽侯之難

○三十而立

魏博節度使韓簡性麤質每對文士不曉其說心常恥

之乃召一士人講論語至爲政篇明日喜謂同官曰近方知古人稟質瘦弱年至三十方能行立如此解則四十無聞便是耳聾五十知命便是能算命矣

○董公遮

淳熙丁未洪景盧知舉一考官大笑絕倒問之則云試卷中有用董公遮說漢王事以公遮爲董三老之名周亞夫傳趙涉遮說將軍涉遮亦趙之名乎

○○堯舜疑事

歐文忠知貢舉、省闈故事、士子有疑、許上請、文忠方以復古道自任、將明告以崇雅黜浮、以變文格、至日午、猶有喋喋弗已者、過晡稍閒、與諸公方酌酒賦詩、士又有叩簾者、文忠復出、所問士忽前曰、諸生欲用堯舜字、而疑其爲一事、或二事、惟先生教之、觀者閤然笑、文忠不動色、徐曰、似此疑事、誠恐其誤、但不必用可也。

○不識羊太傅陸士衡

張徽兒開府襄陽、欲移羊叔子墮淚碑、綱紀白云、此羊太傅遺德、不宜遷動、徽兒怒曰、太傅是誰、我不識。

劉道、綦封管道侯、凡鄙無識、始與王濬戲謂曰、陸士衡詩云、管道無烈心、何意、道綦曰、下官初不識士衡、何忽見苦。

○說韓信

党進鎮許昌、有說話客請見、問說何事、曰、說韓信、卽杖去、左右問之、党曰、對我說韓信、對韓信亦說我矣。

○問歐陽修

謝無逸閒居多、從衲子遊、不喜對書生、有一舉子來謁、坐定曰、每欲問公一事、輒忘之、嘗聞人言歐陽修、果何

如人無逸熟視久之曰舊亦一書生後甚顯達嘗參大政又問能文章否無逸曰文章也得無逸子宗野時七歲聞之匿笑而去

此等舉子如何喚作書生惟不喜書生故來謁者但有此等舉子

不知杜少陵

宋乾道間林謙之爲司業與正字彭仲舉遊天竺小飲論詩談到少陵妙處仲舉微醉忽大呼曰杜少陵可殺有俗子在隣壁聞之遍告人曰有一怪事林司業與彭

正字在天竺謀殺人、或問所謀殺爲誰、曰杜少陵也、但不知何處人、聞者絕倒、

○○班固王僧孺

張由古有吏才而無學術、累歷臺省、於衆中歎班固有
大才、而文章不入選、或曰兩都賦、燕山銘、典引等、並入
文選、何得言無、張曰、此是班孟堅、吾所笑者、班固也、又
嘗謂同官曰、昨買得王僧孺集、爲誤以孺大有道理、杜文
範知其誤、應聲曰、文範亦買得佛袍集、倍勝僧孺、

○司馬相如官刑

相國袁太冲同二縉紳在賓館中坐久一公曰司馬相
如日擁文君好不樂甚一公曰官刑時却自苦也袁閉
目搔首曰溫公喫一嚇司馬遷司馬溫公

○蕭望

春明門外當路墓前有堠題云漢太子太傅蕭望之墓
有達官見而怪之曰春明門題額正方加之字可耳如
此堠直行書只合題蕭望墓何必之字

唐有盧鴻一取尸子鴻常一之義而通鑑綱目書徵
嵩山處士盧鴻爲諫議大夫誤以鴻爲單名注三十

國春秋者、蕭方等、蓋方等佛經名、其弟名方諸、方知、而胡三省注通鑑、去等字爲蕭方、此猶不知而誤也、至於方朔、葛亮、此何等語、而詩中往往見之、古人姓名、橫被削蝕者多矣、豈獨蕭傳。

○倒語

詩林廣記載宋人嘲倒語詩、所謂如何作元解、歸去學、潛陶者、人皆知之、景泰中、吾蘇一監郡不學、誤呼石人爲仲翁、或作詩嘲云、翁仲將來作仲翁、皆因書讀少夫、工馬金堂玉如何入、只好州縣作判通、又水南翰記云、

英廟大獵時、有祭酒劉某和詩、以琬弓作弓琬、監生詩
謂之曰、琬弓難以作弓琬、似此詩才欠致標、若使是人
爲酒祭、算來端的負廷朝、

按韓昌黎作詩、嘗倒叶韻、如瓏玲、鮮新、慨慷、莽鹵之
類、甚多、若出他人之口、又作笑話矣、

○字誤

韓杲是吏部子、雖教有義方、而性頗闇劣、嘗爲集賢校
理、史傳有金根車、箱輪皆杲以爲誤、悉改爲銀
吏部公子、宜乎只曉得金銀也、

桓玄篡位、尚書誤春蒐爲春蒐、

假皇帝、假尚書、自合用假軍禮、

李林甫無學術、典選部時、選人嚴迴判語、用杖杜二字、
林甫不識、謂吏部侍郎韋陟曰、此云杖杜、何也、陟僂首
不敢言、太常少卿姜度、林甫妻舅也、度妻誕子、林甫手
書賀之、聞有弄璋之喜、客視之掩口、

唐書、吏部侍郎蕭昊、素不學、嘗讀伏臘爲伏獵、嚴挺之
曰、省中豈容有伏獵侍郎、清夜錄、哲宗朝、謝惇試賢良
方正、賜進士出身、惇辭云、敕命未敢祇受、乃以抵爲祇、

以授爲受、劉安世奏曰、唐有伏獵侍郎、今有抵授賢良、李建勳罷相江南、出鎮豫章、一日遊西山田間茅舍、有老叟教村童、公勝於其廬、賓僚有曰、梨號五臟刀斧不宜多食、叟笑曰、鴟冠云、五臟刀斧乃離別之離、非梨也、就架取小帙振拂以呈、公大歎服、

○琵琶果

莫廷韓過袁太冲家、見卓上有帖、寫琵琶四觔、相與大笑、適屠赤水至、而笑容未了、卽問其故、屠亦笑曰、枇杷不是此琵琶、袁曰、只爲當年識字差、莫曰、若使琵琶能

結○果○滿○城○簫○管○盡○開○花○屠○賞○極○遂○廣○爲○延○譽○

○○茄字 鵠字

尚書趙從善子希蒼官紹興日令庖人造燒茄判食次
問吏茄字吏曰草頭下着加卽援筆書艸下用冢字乃
蒙字矣時人目曰燒蒙

南康王建封不識文義族子有動植疏俾吏錄之其載
鵠事以傳寫訛謬分一字爲三變而爲人日鳥建封信
之曰每人日開筵必首進此味

○○蹲鵠

張九齡一日送芋蕭颯書稱蹲鴟蕭答云損芋拜嘉惟
蹲鴟未至然寒家多怪亦不願見此惡鳥也九齡以書
示客滿座大笑

按蹲鴟芋也參軍馮光震入集賢院校文選解爲着
毛蘿蔔識者笑之又顏氏家訓云芋字似芋有謝人
惠芋而誤用蹲鴟者

○○昭執

程覃尹京日有治聲惟不甚知字嘗有民投牒乞執狀
造橋覃大書昭執二字民見其誤遂白之合是昭執今

漏四點、單取筆於執字下添四點爲昭熱庫舍諸生作傳誚焉。

既有治聲、卽不識字、可也、只一箇麻字、做官的幾人識得、乃知識字者原少。

○○多感元年

權龍襄景龍中爲瀛州刺史、遇新歲、京中人附書云、改年多感、敬想同之、乃將書呈判書以下云、有詔改年號爲多感元年、衆大笑、龍襄不悟、猶復延頸怪赦書來遲。

○精猶

宋神宗時、葉溫叟提舉陝西保甲、一日御批問所隸諸
州保甲精猶如何、葉上劄子言臣所教保甲、委是精、
帝得奏大笑、謂侍臣曰、溫叟將謂精、猶是精、確也、

○生兵

逆亮南侵、命葉義問視師江上、葉素不習軍旅、會劉錡
捷書至、讀之、至金賊又添生兵、顧問吏曰、生兵是何物、
義問曰、世牧民者、知百姓是何物、衡文者、知文章是何物、
掌銓者、又知人右是何物、天下之不爲葉義問者、鮮
矣、

○○史思明詩

芝田錄史思明以櫻桃寄其子作詩云櫻桃一籃子半青一半黃一半與懷王一半與周贇羣臣請曰聖作誠高妙但以一半與周贇之句移在上於韻更爲穩叶思明怒曰我兒豈可使居周贇之下

思明長驅至永寧爲子朝義所殺思明曰爾殺我太子早禪山尚得至東都而爾何亟也朝義卽僞封懷王者

○○党進讀書

党進不識一字、朝廷遣防秋、陞辭、故事例有數陳、進把笏前跪、移時不能道一字、忽仰天、顏厲聲曰、朕聞上古其風朴畧、願官家好將息、侍衛掩口、後左右問曰、太尉何故念此二語、党曰、要官家知我讀書、上立稱快只爲宰相須用讀書人、一語所誤、

○邑丞通文

某邑一丞、素不知文、而強效顰作文語、其大令病起、自憐消瘦、丞曰、堂翁深情厚貌、如何得瘦、又侍大令飲、而大令將赴別席、辭去、丞曰、乞其餘不足、又顧而之他、縣

令修後堂頗華整丞趨而進曰山節藻梲何如其知也
一日縣治捕強盜數人令嚴刑訊鞠盜哀號殊苦丞從
傍撫掌笑曰惡人自有惡人磨

笑林評云不識一丁入轉喉觸諱如此令大能容耐
正是識性可與同居

○中官通文

嘉祐治平間有中官杜漸者好與舉子同遊學文談不
悉是非居楊州凡答親舊書若此事甚大必曰茲務孔
洪如此甚多蘇子瞻過維揚蘇子容爲中杜在坐子容

少怠杜遽曰相公何故溘然其後子瞻與同會問與客
曰爲誰對曰杜供奉子瞻曰今日不敢睡直是怕那溘
然

乙未後時執陡新一後學苦心爲課字字推敲易嘗
謂字曰恒譚易何言之曰曷談旃一時傳笑

時有一權璫與縉紳飲諸縉紳方劇談而璫者不能真
一語仰見屋上煙籠蔥起謬曰焉用佞衆聞之疑璫者
誚已及移時復仰視曰煙太佞四座大笑疑遂釋

俚語有習而不察者如勸人莫動氣則曰君子不器

自謙未曾周備則曰周而不比、贊人話好則曰巧言、令色、賀人功名則曰僥倖俱可笑、

廣記、唐有內大臣學作別紙言語、鳳翔節度使寄柴數車、回書謝云、蒙惠也、愚若干、

○中官出對

耳譚、太監府有歷事監生、遇大比、亦是本監考取類送鄉試、一瑞不深書義、曰今不必作文論、只一對佳者便取、因出對云、子路乘肥馬、諸生俯首匿笑、一點者對云、堯舜騎病豬、瑞大稱善、

關人主文事、故可笑、不必對也。王振用事時、臺中有疏請振判國子監、如唐魚朝恩故事者、更可笑。

○史學

王莽贊云、紫色蛙聲、餘氛閭位、謂以偽亂真也。顏之推共人言及莽狀、一俊士自許史學、名價甚高、乃云王莽非直鷗目虎吻、亦且紫色蛙聲。

○強作解事

會稽朱某以販茶鬻官、皆呼爲茶官、素不學、偶於姻家選詞客、印證今古、談及宣尼、擊節曰、據如此說、是一才。

子矣。又言馮婦則曰：果是當時一美婦人。予問久矣。近臨溪人姚京與村學究孫一經夏日納涼頃之雲翳孫曰：必有大風。姚詰之曰：夏雲多奇風。聞者腸斷。

慶元間有士人姜夔上書乞正大常雅樂。詔赴太常同寺官校正。樂師齋出大樂。首見錦瑟。指問何樂。衆方訝其正樂不識樂器。既知爲瑟。乃令樂師曰：語云鼓瑟希。未聞彈之。衆官咸笑而散。其議遂寢。

○○公羊傳

廣記有甲欲謁見邑宰。問左右曰：令何所好。或語曰：好

公羊傳後入見令問君讀何書答曰唯業公羊傳試問誰殺陳他者甲良久對曰平生實不殺陳他令知謬誤因復戲之曰君不殺陳他謂是誰殺於是大怖徒跣走出人問其故乃大語曰見明府便以死事見訪後直不敢復來過赦當出耳

近有村翁自炫兒聰明習春秋經者或問云讀過左傳否答曰左傳未知但聞其已讀右傳矣蓋大學有右傳之幾章句兒魯甚朝夕溫誦翁所習聞也

○芝蔴通鑑

吳人韋政腹枵然、好談詩書、語常不繼、或嘲之曰、此非
出芝蔴通鑑上乎、蓋吳人好以芝蔴點茶、市中賣者以
零殘通鑑裹包、一人頻買芝蔴、積至數葉、而以零殘語
掉舌、人問始末、輒窮曰、我家芝蔴通鑑上止此耳。
韻府羣玉秀才還只好趣夜航船、况芝蔴通鑑乎。

○○祭文 策問

謔浪云、黃陂季生無學、好弄筆、求人文稿、曰文稿、見未
報日來報、見唾咳曰、垂亥、每于尺牘中用呵呵、稱醫家
曰國首、簡藝曰簡藝、租糧曰相量、寫人號下又加尊號

失記、寫過已名、又書名具別幅、此等不可勝數、傳爲笑談、一日母死、托邑人段祺作堂祭文、段代爲言曰、某年月日、兒某舉亡母柩就封某山、某不敢索文稿於人、謹寫某胸中所有而言口、嗚呼、躬乘來報、二十餘年、垂亥不聞、又經一年、人皆呵呵、我淚如泉、方母病劇、國首難尋、倉忙舉事、簡藝殊深、大荒之後、相量少足、諸親俱在、無人不哭、尊號失記、母心如燭、各有姓名、具在別幅、必是此篇祭文、先堂方解、非戲筆也、

錢塘葉生少學識、有假作葉策題問云、孝經一序、義亦

難明。且如韋昭王。是何代之主。先儒領。是何處之山。孔子之志。四時常有也。何以獨言我志在春。孔子之孝。四時常行也。何以獨言秋行在孝。既曰夫子歿。而又何以鯉趨而過庭。

乃知党進背得二句。亦算虧他。

○襲舊

唐陽滔在中書文。皆抄襲。時命制敕甚急。而令史持庫鑰。他適。苦無舊本檢閱。乃斷臆躍入得之。時號爲斷臆舍人。

觀斷應辛苦、方知近來懷挾蠅頭本兒之貴

桓帝時、有辟公府掾者、倩人作奏記、人不爲作、因語曰、
梁國葛龔先作記文可用、遂從人言、謄寫不去龔名姓、
府公大驚、罷歸、時人語曰、作奏雖工、宜去葛龔、
若再抄幾遍、名姓當纍纍矣

○改制詞

唐玄宗嘗器重蘇頌、欲倚以爲相、秘密不欲令左右知、
迨夜艾、乃令草詔、訪于侍臣曰、外庭誰直宿、命秉燭召
來、至則中書舍人蕭嵩上、卽以頌姓名授嵩、令草制書、

既成詞中有國之環寶上尋繹三四謂嵩曰頤環之子
朕不欲斥其父名卿爲刊削之上仍令撤帳中屏風與
嵩嵩慙懼流汗筆不能下者久之上以嵩抒思移時必
當精密不覺前席以觀唯改曰國之珍寶他無更易嵩
既退上擲其草于地曰虛有其表耳

○判鳥翎

唐靈昌尉梁士會官科鳥翎里正不送舉牒判曰官喚
鳥翎何物里正不送鳥翎佐使曰公大好判但鳥翎太
多會改曰官喚鳥翎何物里正不送雁翅聞者笑之

○朱鞏一聯

南唐元宗會羣臣賦詩，學士朱鞏短於韻語，竟日不能終篇，止進一聯，又極鄙俚，乃自炫曰：好物不在多。

○約法三章

魏長齊雅有體量，而才學非所經，初宦當出，虞存嘲之曰：與卿約法三章，讀者死，文筆者刑，商畧抵罪，魏怡然而笑。

無術部 終

苦海部第七目錄

采石詩

同東集

盤門詩伯

自詫才華

陽俊之

崔泰之

盧延讓

包賀

高敖曹

權龍襄 計二條

宋宗子

雪詩 計二條

李廷彥

詩僧

不韻詩

計二條

重複詩

王大夫

澀體

虞子匡戲詩

宋景文條史

嘲竊句

計六條

點金成鍊

債筆

文當戒俗

書馬犬事

明堂赦文

押韻

計二條

賦

計三條

經義

時藝

計四條

評唐詩

前人詩文之病

計十六條

九字詩

苦海部



子猶曰、昔鄭光業兄弟、遇人獻詞句有可嗤者、輒投
一巨皮篋中、號曰苦海、宴會則取視以資諧戲、夫爲
詞而足以資人之諧戲、此詞便是天地間一種少不
得語、猶勝於塵腐蹈襲、如楊升菴所謂雖布帛菽粟、
陳陳相因、不可衣食也、故余喜而採之、而古詩之病、
經人指摘者、亦附入之、又以見巨皮箱中人人有分、
莫要輕易便張口笑人也、集苦海第七、

○采石詩

采石江頭李太白墓在焉往來詩人題咏殆遍有客書
一絕云采石江邊一杯土李白詩名耀千古來的去的
寫兩行魯般門前掉大斧

○○同東集

悅生堂隨抄云吳僧法海好作惡詩萃成帙劉從事爲

西○影

序劉序云師雖習西方之教頗同東魯之風因題曰同
不○知○東集長於譬喻動有風騷昔唐小杜旣爲老杜之次今
師又在小杜之下

一說東坡題謝印像亦有
大杜小杜語疑卽此誤

○盤門詩伯

萬曆初蘇州盤門外昆弟二人忘其姓一號蘭溪一號
蘭洲爭以惡詩唱和。高自矜許。或作詩嘲之曰。盤門城
外兩詩伯。蘭溪蘭洲同一脉。胸中全無半卷書。紙上空
污數行墨。浣花溪頭杜少陵。潯陽江口李太白。二公陰
靈猶未散。終日在天尋霹靂。有朝頭上聒聲能。吳語猶
云响一
也。打殺兩個直娘賊。

○自詫才華

廣記北齊并州有士族好爲可笑詩賦。輕蔑邢魏諸公。
衆共嘲弄。虛相稱讚。必擊牛醢酒延之。妻知其妄。屢用

泣諫其人歎曰才華不爲妻子所容何況行路

○陽俊之

陽俊之多作五言歌詞蕩而拙世俗流傳名爲陽五伴
侶寫賣不絕俊之遇於市言其字誤取而改之賣者曰
陽五古之賢人君何所知輕敢議論俊之大喜自言有
集十卷雖家兄亦不知吾是才士

○崔泰之

唐黃門崔泰之哭特進李嶠詩曰臺閣神仙地衣冠君
子鄉昨朝猶對坐今日忽云亡魂隨司命鬼魄逐見閻

王此時罷歡笑、無復向朝堂、謂人曰、作詩須有此真味。
○○盧延讓

盧延讓業詩、二十五舉、方登第、卷中有狐衝官道過、狗
觸店門開之句。張濟每稱賞之、又有賊猫臨鼠穴、噉犬
舐魚砧、爲戍內所賞、栗爆燒鹽破、猫跳觸鼎翻、爲王建
所賞。盧謂人曰、平生謁盡公卿、不意得力於狐狗猫鼠。
○包賀

進士包賀作詩多麤鄙之句、如苦竹筍、抽青鯀子、石櫛
樹、挂小餅兒、又霧是山巾子、船爲水鞞鞋、又棹搖船掠

鬢風動水撻胸俱可笑世傳逸詩云窓下有時畱客宿
齋中無事件僧眠號曰自落便宜詩

○高敖曹

高敖曹嘗爲雜詩三首其一塚子地握槩星宿天圍碁
開塋瓊張口卷蓆牀剝皮其二相送重相送相送至橋
頭培堆兩眼淚難按滿胸愁其三桃生毛彈子瓠長棒
撻兒牆欹壁凸肚河凍水生皮

○權龍襄

唐左衛將軍權龍襄性褊急常自矜能詩通天年中爲

滄州刺史初到、乃爲詩呈州官曰、遙看滄海城、楊柳鬱
青青、中央一羣漢、聚坐打盃觥、諸公謝曰、公有逸才、襄
曰、不敢、趁韻而已、又爲喜雨詩曰、暗去也沒雨、明來也
沒雲、日頭赫赤出、地上綠氤氲、又皇太子宴、夏日賦詩、
嚴霜白浩浩、明月赤團團、太子援筆爲贊曰、龍襄才子、
秦州人士、明月晝耀、嚴霜夏起、如此詩章、趁韻而已、襄
以張易之事、出爲客山府折衝、後追入、獻詩曰、無事向
客山、今日向東都、陛下敕進來、今作右金吾、上大笑、每
呼爲權學士、凡與諸學士賦詩、輒令與焉

龍襄又秋日述懷曰。簷前飛七百。雪白後園。蠅飽食房裏側。家糞集野。蠅參軍不曉。請釋。襄曰。鷄子簷前飛。直七百文。洗衫挂後園。乾白如雪。飽食房中側臥。聞家中糞堆。集得野澤。蠅蠅。談者嗤之。

○○宋宗子

哲宗朝有宗子好爲詩。而鄙俚可笑。嘗作卽事詩云。日煖看三藏。風高關兩廂。蛙翻白出闊。蚓死紫之長。潑聽琵琶鳳。饅拋接建章。歸來屋裏坐。打殺又何妨。人問其詩意。答曰。始見三蜘蛛織網於簷前。又見二雀關於兩

廁廊有死蛙、翻腹似出字、死蚓如之字、方喫潑飯、聞鄰家作鳳棲梧、食饅頭未畢、閤人報建安章秀才上謁、接章旣歸、見內門上畫鍾馗擊小鬼、故云打死又何妨、哲宗方欲灼艾、有小內侍誦此詩、笑極遂罷灸

相傳登廁詩、有板側尿流急、坑深糞落遲、句法似此

○雪詩

唐人有張打油作雪詩云、江上一籠統、井上黑窟窿、黃狗身上白、白狗身上腫。

陸詩伯雪詩云、大雪洋洋下、柴米都長價、板凳當柴燒。

嚇得牀兒怕。又云、玉皇大帝賣私鹽、一個蘇州拖麪煎、又云、不聞天上打羅槓、滿地紛紛都是麪、又云、昨夜玉皇哀詔到、萬里江山都帶孝、

陸詩伯曾咏枇杷樹云、一株枇杷樹、兩個大丫叉、後韻未成、吳匏菴請續之曰、未結黃金果、先開白玉花、陸搖首曰、殊脂粉氣、

○○李廷彥

李廷彥獻百韻詩於上官、中云、舍弟江南沒、家兄塞北亡、上官惻然曰、君家凶禍、一至於此、廷彥曰、實無此事、

圖對偶親切耳。一客謔云、何不言愛妾眠僧舍。嬌妻宿道房。猶得保全兄弟。

○詩僧

郎中曹琰有僧以詩卷投謁、閱首篇、是登潤州甘露閣云、下觀楊子小、琰曰、何不道卑吠狗兒肥、次閱一篇送僧云、猿啼旅思淒、琰曰、何不道犬吠、張三嫂、坐中大笑。

○不韻詩

唐冀州參軍麴崇裕送司功入京詩曰、崇裕有幸會、得遇明流行、司士向京去、曠野哭聲哀、司功曰、大才士、先

生其誰、曰、吳兒博士教此聲韻、司功曰、師明弟子哲、嘉靖間、有織造太監在杭州、徵索不遂、爲詩云、朝廷差我到蘇州、府縣官員不理咱、有朝一日朝京去、人生何處不相逢、監司歎曰、好詩、答曰、雖不成詩、叶韻而已。

湖海搜奇云、謝兵馬之妻、爲牆壓死、楊天錫往平、謝泣曰、寒荆正有孕、今死不成屍、奈何、楊曰、此所謂雖不成屍、壓孕而已、謝恚曰、我苦無極、尚爾作戲、語本此。

○重複詩

雍熙中、一詩伯作宿山房卽事詩曰、一個孤僧獨自歸、
關門閉戶掩柴扉、半夜三更子時分、杜鵑謝豹子規啼、
又咏老儒詩曰、秀才學伯是生員、好睡貪軒只愛眠、淺
陋荒疎無學術、龍鍾衰朽駐高年、

○王大夫

王祈有竹詩兩句、最爲得意爲東坡誦之、曰葉垂千口
劍、幹聳萬條鏹、蘇笑曰、好則好矣、只是十條竹竿、共一
片葉也、又蘇嘗言看王大夫詩、難得不笑、

○李超無自嘲

李超無逃儒歸墨、作詩自嘲云、滾湯呼賊禿、搖鐸罵光郎。

○澀體

徐彥伯爲文、多變奇求新、以鳳闈爲鷗閭、以龍門爲虬戶、以金谷爲銑溪、以芻狗爲卉犬、以竹馬爲篠駿、以月兔爲魄兔、以風牛爲焱犢、後追效之、謂之澀體。

○虞子匡戲詩

嘉靖中、有好爲六朝詩者、不獨巧麗、且欲用不經人道之語、易字換句、遂至妄誕不稽、虞子匡一日遞一詩示

郎仁寶請商之、仁寶三誦、不知何題、虞曰、吾效時人換
字之法、戲改岳武穆送張紫陽北伐詩也、其詩曰、誓律
鷗、雷、速、神、威、震、坎、隅、遐、征、逾、趙、地、力、闢、越、秦、墟、驥、蹂、甸、
奴、頸、戈、殲、韃、靼、軀、旋、師、謝、彤、闕、再、造、故、皇、都、岳云、號令
風、霆、迅、天、聲、動、北、陬、長、驅、渡、河、洛、直、搗、向、燕、幽、馬、蹏、月
氏、血、旗、臬、可、汗、頭、歸、來、報、明、主、恢、復、舊、神、州、不、過、逐、字
換之、遂撫掌相笑、

○宋景文脩史

宋景文脩唐史、好以艱深之辭、文淺易之說、歐公思有

以訓之。一日大書其壁曰。宵寐匪禱。孔闕洪休。宋見之。
曰。非夜夢不祥。題門大吉耶。何必求異如此。歐公曰。李
靖傳云。震霆不暇掩聰。亦是類也。宋公慙而改之。

○嘲竊句

陳亞嘲竊古人詩句。詩云。昔賢自是堪加罪。非敢言君
愛竊詞。臣奈古人無意智。預先偷子一聯詩。

僧惠崇能詩。其尤自負者。河分岡勢斷。春入燒痕青。崇
之子弟嘲曰。河分岡勢司空明。春入燒痕劉長卿。不是
師兄多犯古。古人詩句犯師兄。

潘邠老詩多犯老杜王直方云老杜復生須與潘十所
炒

祥符天禧中楊大年錢文禧晏元獻爲詩皆宗李義山
號西崑體後進效之多竊取義山詩句嘗內宴優人作
戲有爲義山者衣服破裂告人曰吾爲館職諸公捧搢
以至如此坐者皆笑

剝取他人口珠是盜儒也如何止坐毀壞衣冠律

李義甫白燕詩云鑊月爲歌扇裁雲作舞衣自憐迴雪
影好取洛川歸有棗強尉張懷慶好偷竊名士文章乃

增二字爲七言云、生情饒月爲歌扇、出性裁雲作舞衣、
照鑑自憐迴雪影、來時好取洛川歸、時人謂之活剝張
昌齡、生吞郭正一

武太常邦御、以水竹樓求劉楚雄爲記、其文曰、淇澳之
斐、而瀑布急雨之、而碎玉密雲之、而投壺錚錚之、而圍
棋丁丁之、巨細疾徐、皆先生之甌磬匏絲也、又曰、髦衣
幅巾、見者以爲神仙中人、全用王元之竹樓記中語、有
戲者曰、昨夢一人峨冠博帶、意甚不平、曰、我宋學士王
禹偁也、昔作郡守、有竹樓一座、今被劉楚雄拆毀、且將

樓中之物。一一竊去。問是何物。曰。楸枰一局。壺矢十二枝。文集十卷。毫永一襲。幅巾一頂。止遺囊琴一張在焉。又問竊此何爲。曰。都貽於太常。水作樓中。故不取也。

○點金成鐵

梁王籍詩云。蟬噪林逾靜。鳥鳴山更幽。王荆公改用其句。曰。一鳥不鳴山更幽。山谷笑曰。此點金成鐵手也。

○倩筆

雪溪紀聞。湖州吳平山素不能詩。值座師王荆石公壽。試作八句。求同年沈公節甫改削。沈用其韻。更製一首。

復嫌於全華姑舉筆點其末二句而併歸之吳大喜謂
沈所賞語必佳不忍棄既書沈詩而并載已二句於末
遂爲十句重一韻王公大笑

平山名秀魯而好學一日止讀書七行至晚猶不成
誦必跪而自督辛未會試五策甚富元馭猶訝其該
博拔置首卷而一詩乃不通竅如此

○○文當戒俗

楊文公嘗戒其門人爲文宜避俗語既而公因作表云
伏惟陛下德邁九皇門人鄭戢請於公曰賞非黃訖未

審何時得賣生菜公大笑易之

○書馬犬事

歐陽公在翰林時常與同院出遊有奔馬驚犬公曰試書其一事一日有犬臥於通衢逸馬蹄而殺之一日有馬逸於街衢臥犬遭之而斃公曰使子脩史萬卷未已也曰內翰云何公曰逸馬殺犬於道相與一笑

○明堂赦文

胡衛盧祖在翰林草明堂赦文云江淮盡掃於胡塵太學生嘲之曰胡塵已被江淮掃却道江淮盡掃於傳語

胡盧二學士。不如依樣畫胡盧。

○押韻

唐梅權衡吳人也。入試不持書策。人皆謂奇才。及府題出青玉案賦。以油然易直子諒之心爲韻。塲中競談諒字難押。梅於庭樹下。以短筆畫地起草。日晡。梅賦先成。張季遐求視所押。以爲師模。梅大言曰。押字須商量。爭應進士舉。季遐自謙薄劣。乃率數十人請益。梅曰。此韻難押。諸公且廳上坐。聽某押處。解否。遂朗吟曰。恍兮惚兮。其中有物。惚兮恍兮。其中有諒。犬蹲其傍。鷗拂其上。

因講青玉案者是食案所以言犬蹲其傍鷗拂其上也
衆大笑出乾麕子

苗振召試館職晏丞相語曰宜稍溫習苗曰豈有三十
年作老娘而倒綱孩兒者乎既試賦韻有玉字振押云
率土之濱莫非王不中選晏笑曰苗君竟倒綱孩兒矣

○○賦

胡旦作長鯨吞舟賦云魚不知舟在腹中其樂也融融
人不知舟在腹內其樂也洩洩又曰雙鬚竿直兩目星
懸楊致覽而笑曰許大魚眼孔恁小又慶曆中試題爲

天子之堂九尺。賦者曰：成湯當陞而立，不欠一分。孔子歷階而升，止餘六寸。用孟子曹交言：湯九尺。史記言：孔子九尺六寸事。

熙寧中省試王射虎侯賦，有一卷云：講君子必爭之藝，飾大人所變之皮。又歐陽公主文試貴老爲其近於親賦，有一卷云：覩茲黃耆之狀，類我嚴君之容。

褚歸應試作大舜善與人同破云：道雖貫於萬世，善猶同於衆人。見黜。一友戲慰曰：公以尿灌對油筒，宜其黜落。

○經義

政和中舉子皆試經義有學生治周禮堂試以禁宵行者爲題此生答義云宵行之爲患者大矣凡盜賊姦淫爲過惡者白晝不能顯行也必昏夜合徒竊發踪跡幽暗雖欲捕治不可物色故先王命官曰司寤氏而立法以禁之有犯無赦宜矣不然則宰予晝寢何以得罪於夫子學官者甚喜其議論有理但不曉以宰予爲證之意因召問之答曰晝非寢時也今宰予正晝而熟寐其意必待夜間出來胡行亂走耳學官爲笑而止

使宰我睡寐中驚出一身冷汗。

○時藝

陳白沙獻章當成化初會試雖負重名亦投時好競出新奇。作老者安之朋友信之少者懷之題其破云物各有其等。聖人等其等。考官戲批其傍云若要中進士還須等一等。

張鰲山提學江北以馮婦善搏虎爲題徐州一士云馮婦一婦人也而能搏虎不惟搏也而又善焉夫搏虎者何扼其吭斬其頭剝其皮投於五味之中而食之也豈

不美哉

王荆湖學博譚及吳郡一士作今交九尺四寸以長題
文中將九尺以長四寸以長分股又一士作二女果題
文中二股立柱云堯非不欲以之自奉也舜非不欲以
之奉瞽瞍也聞者絕倒

乙卯王宗師按臨蘇州凡童生劣卷俱發回有一童
生作不占而已矣題文中二股立柱云古之占者有鬼
谷先師其人焉今之占者有柳華岳其人焉衆共譁
笑旁有一人與此童相識深加歎惜衆問其故答云

怪道某阿官不進學。宗師是浙人。怎知我蘇州有柳華岳。衆大笑。○又一童居近齊門任蔣橋。此橋以任蔣二土地廟得名也。題出任土地者次之。童卽以蔣土地與任土地分主客二股。

申于王云。有作雖使五尺之童適市。莫之或欺。題者破云。以可欺之人。居可欺之地。而卒莫之或欺焉。可以見天理之常存。而人心之不死矣。或嫌其欠簡健。他日作魯人獵較。孔子亦獵較。破云。魯俗頑。聖人雷。或又嫌其崛且晦。須不長不短。點切題面字眼。方醒。

人目他日又作子之燕居申申如也天天如也破云
紀聖人之鳥處甲之出頭而天之側頭者也

一士作能近取譬題文質於唐六如唐稱贊不已士又
再三求正唐曰細玩能近取三字不做覺偏枯些士嘿
然而去

○評唐詩

楊用脩曰唐詩有極劣者宋人採入全唐詩話使觀者
曰是亦唐詩一體譬之燕趙多佳人其間有跛者眇者
羝者鰥者疥且痔者乃專房寵之曰是亦燕趙佳人之

一種可乎

○前人詩文之病

簡文時費昶詩有句云不知是耶非殷芸詩有飄颻雲
母舟句帝大笑曰昶既不識其父芸又飄颻其母耶
許渾句中多用水字諺曰許渾子首涇又羅隱詩皆有
喜怒哀樂心志等語不離一身故以羅隱一生身爲對
不若對以杜甫一生愁爲優

楊益川爲文好以古人姓名連用如張平子之略談陸
士衡之所記潘安仁宜其陋矣仲長統何足知之時愧

爲點鬼簿。駱丞文好以數對。如秦地重關一百二。漢家
離宮三十六。時號爲算博士。李義山爲文多檢閱書冊。
左右鱗次。時號獺祭魚。

王禹玉詩多用珍寶黃金白玉爲對。時號至寶丹。有人
云詩能窮人。且強作富貴語。看如何。數日搜索止得一
聯云。脛。脛化爲紅玳瑁。眼睛變作碧琉璃。爲之絕倒。

高英秀辯捷滑稽。嘗與贊寧共議古人詩病云。李山甫
覽漢史。王莽弄來曾半破。曹公將去便平沈。是破船詩。
李羣玉咏鷓鴣。方穿詰曲崎嶇路。又聽鈎輅格磔聲。是

梵語詩。羅隱雲中雞犬劉安過。月裏笙歌煬帝歸。是見鬼詩。杜荀鶴今日遇題。題似著。不知題後更誰題。此衛子詩也。不然。安有四蹄。南地多蹏故呼蹏曰衛子。

曹唐寓金陵佛寺云。水底有天春漠漠。人間無路月茫茫。人謂之鬼詩。羅隱咏牡丹云。若教解語應傾國。任是無情也動人。人謂之女子詩。

釋貫休有咏漁父云。眼前不見市朝事。耳畔惟聞風水聲。梅聖俞曰。此患肝腎風也。又云。盡日覓不得。有時還自來。曰。此是人家失却猫兒。

賈島有哭僧詩云、寫畱行道影、焚却坐禪身、唐人謂燒殺一活和尚。

張祐柘枝詩云、鴛鴦細帶拋何處、孔雀羅衫屬阿誰、白樂天每呼爲問頭、詩祐曰、公亦有目連經、長恨歌云、上窮碧落下黃泉、兩處茫茫皆不見、此非目連訪母耶。

孟浩然詩、春眠不覺曉、處處聞啼鳥、夜來風雨聲、花落知多少、人謂是孟盲子。荆公宅乃謝安所居地、有謝公墩、公賦詩曰、我名公姓偶相同、我宅公墩在眼中、公去我來墩屬我、不應墩姓尚隨公、人謂與死人爭地界。

憐才莫如明皇、而孟老不識、竟以不才明主棄之、語自絕、真盲子矣。荆公在朝日、與人爭新法、既罷、爭壤亦其性也。

張師錫老兒詩五十韻、摹寫極工、中有看經嫌字小、不免是老僧、脚軟怕鞦韆、不免是老婦。

程師孟知洪州、作靜堂、自愛之、無日不到、爲詩題於石曰、每日更忙須一到、夜深長是點燈來。李元規見而笑曰、此是登瀛詩。

柳耆卿詞、有今宵酒醒何處、楊柳畔、曉風殘月、或戲

之曰、楊柳畔、曉風殘月、此乃船公登瀾處耳。

劉子儀嘗有贈人詩云、惠和官尚小、師達祿須干、取下
惠聖之和、子張問達而學干祿之事、或有除去官字示
人曰、此必番僧也、其名達祿須干、聞者大笑、

有遷楚藩者、李于鱗以詩送之云、江漢日高、天子氣、樓
臺秋入、大王風、一友曰、二語似賀陳友諒登極。

古今詩話、樂天長恨歌云、峨嵋山下、少人行、旌旗無光
日色薄、峨嵋在嘉州、與幸蜀路全無交涉、杜甫武侯廟
柏詩云、霜皮溜雨四十圍、黛色參天二千尺、四十圍、乃

徑七尺、無乃太細長也、史稱防風氏身廣九畝、長三丈、按廣大尺九畝、乃五十丈四尺、如此、防風之身、乃一餅、餤耳、此文章之病也、

張文潛常云、子瞻每笑天邊趙盾益可畏、水底右軍方熟眠、謂湯燖了王羲之也、文潛戲謂子瞻云、公詩有獨看絳渠傾白墮、不知白墮是何物、子瞻云、洛陽伽藍記、有劉白墮、善釀酒、文潛曰、白墮既是人、何以言傾、子瞻笑曰、魏武短歌行云、何以解憂、惟有杜康、杜康亦是釀酒人名也、文潛曰、畢竟用得不當、時文潛有僕曹某、失

去酒器子瞻笑曰公且先去理會曹家那漢却來此間
廝魔滿座大笑

吳人多謂梅子爲曹公嘗望梅止渴也又謂鵝爲右
軍士寫禮帖云醋浸曹公一鬣湯燂右軍兩隻見者
大笑

○九字詩 附

中峰和尚有九字梅花詩云昨夜西風吹折千林梢渡
口小艇滾入沙灘坳野樹古梅獨臥寒屋角疎影橫斜
暗上書窻敲盧贊元酴醾花詩天將花王國艷殿春色

酴醾洗裝素顏相追陪、絕勝濃英綴枝不韻李、堪友橫、
斜照水攙先梅、

詩非不佳、然自一畫以添至於四言五言七言極矣、
復九之必且十一十三以至無窮、如吳中之急口山、
歌而後已、故附於笑末、以爲文勝之戒、